

JARIDA LA

WIZARA YA UTAMADUNI, SANAA NA MICHEZO



Wizara ya Furaha

Toleo la Mtandaoni: 08 | 11 Agosti, 2022 - TABORA | www.michezo.go.tz

MICHUANO MASHINDANO YA UMISSETA 2022 YAENDELEA



wizara_SanaaTz





**MICHUANO MASHINDANO YA
UMISSETA 2022 YAENDELEA
11 Agosti, 2022**



Katibu Mkuu Elimu Dkt. Francis Afungua UMISSETA 2022

Na Shamim Nyaki – WUSM

Serikali inakusudia kuongeza idadi ya Vyuo vya Elimu vinavyofundisha somo la michezo kufikia 6 kutoka vyuo 4 vya awali.

Hayo yamesemwa na Katibu Mkuu Wizara ya Elimu, Sayansi na Teknolojia Dkt. Francis Michael Agosti 10, 2022 wakati akifungua Mashindano ya Michezo na Sanaa kwa Shule za Sekondari (UMISSETA) mkoani Tabora, na kusitiza nidhamu na maadili kwa washiriki wa mashindano hayo.

"Maelekezo ya Waziri Mkuu Mhe. Kassim Majaliwa aliyo-

ta Agosti 04, 2022 wakati anafungua mashindano haya, na ya mwaka(21) mkoani Mtwara tumeyazingatia na tumeanza kuyafanyia kazi ikiwemo kuongeza idadi ya Vyuo vya Elimu viwili vya Tabora TTC na Mpwapwa TTC kufundisha somo la Elimu kwa Michezo" amesema Dkt. Francis.

Dr. Francis amempongeza Rais Mhe.Samia Suluhu Hassan kwa kutoa kipaumbele katika michezo na Sanaa, ikiwa ni pamoja na kuongeza bajeti katika Sekta hizo ambazo ni mion-

goni mwa Sekta ambazo zinatoa ajira kwa vijana. Ameongeza kuwa, mashindano hayo pia itajumuisha Sanaa za jukwaani ikiwemo ngoma, Kwaya na Muziki wa Kizazi kipyaa, huku akitaka michezo hiyo kuendeshwa kwa kuzingatia maadili ya Taifa hilo.

Aidha, Dkt. Francis amesitiza kuwa, mashindano hayo yanasaadia kukuza vipaji, kujenga upendo na kutoa fursa kwa Taifa kupata vijana watakaocheza katika timu mbalimbali za Taifa ndani na nje ya nchi.



Wanafunzi Zaidi ya 3000 Kushiriki UMISSETA 2022

Na Shamim Nyaki – **WUSM**

Takriban Wanafunzi 3497 pamoja na waalimu zaidi ya 700 wako mkoani Tabora kushiriki Mashindano ya Michezo kwa Shule za Sekondari Tanzania (UMISSETA) mwaka huu 2022.

Hayo yameelezwa na Naibu Katibu Mkuu Ofisi ya Rais TAMISEMI anayeshughulikia Elimu Dkt. Charles Msonde, katika hafla ya kufungua

mashindano hayo Agosti 10, 2022 Uwanja wa Sekondari ya Tabora Wavulana.

"Mashindano haya yameanzia ngazi ya shule, Kata, Tarafa, Wilaya Mkoo na hatimaye sasa iko ngazi ya Taifa, vijana hawa wameonesha uwezo kuanzia ngazi ya chini ndio maana wamefika hapa, tunaamini wataonyesha

vipaji vyao ambavyo vita-saidia Taifa" amesema Dkt. Msonde.

Ameongeza kuwa, mashindano hayo yanaanza leo na yatakamilika Agosti 19, 2022 ikiwa na michezo mbalimbali kama mpira wa Miguu, Mpira wa Wavu, Mpira wa Basketball, Netiboli, Riadha, kurusha Mikuki, Sanaa za Jukwaani na mengine.



Soka Wasichana Yazidi Kushika Kasi UMISSETA Tabora

Na Bryson Mshana – **TABORA**

Michuano ya mpira wa miguu kwa wasichana imeendelea kushika kasi katika mashindano ya UMISSETA 2022 ambayo yameingia siku ya pili Mjini Tabora.

Michezo ya soka wasichana imemechezwa August 11, 2022 kwenye viwanja A, B na C vilivyopo shule ya wavulana Tabora na kushuhudiwa Timu ya Mkoa wa Dodoma ikipata ushindi mnono wa magoli 7 – 0 dhidi ya Pwani.

Mchezo mwingine ulikuwa

kati ya Mwanza na Kagera, ambapo Kagera ilikubali kipigo cha magoli 2 – 0 kwenye mchezo ulikokuwa na ushindani mkubwa, huku Mara na Shinyanga zikitoshana nguvu kwa sare ya 1 -1.

Katika mchezo mwingine Mkoa wa Manyara uliwashinda majirani zao Arusha kwa goli 1 - 0, na Mtwara ikatoshana nguvu kwa sare ya 2 – 2 na Rukwa.

Kocha wa timu ya soka ya wasichana ya Mkoa wa

Mwanza Michael Oty amezungumzia michezo hiyo kuwa yenye ushindani mkubwa tofauti na ilivytarajiwa awali.

"Kuna timu zimeonesha uwezo ambao hatukuwa tumeutarajia, vijana wanaonekana kuijandaa vizuri na kuna uwezekano wa kumpata bingwa ambaye hakutara-jiwa japo Mwanza tumeji-panga vizuri zaidi na tuna nafasi ya kuendeleza walipoishia wenzetu wa UMITASHUMTA ambao walitwa ubingwa" ameeleza Oty.



Mikoa Yachuana Vikali Mpira wa Mikono

Na Bryson Mshana – TABORA

Mikoa inaendelea kuchuana vilivyo katika mchezo wa mpira wa mikono (HandBall) unaorindima katika mashindano ya Michezo kwa Shule za Sekondari (UMISSETA) kwa mwaka 2022 yanayoendelea Mkoani Tabora.

Michezo iliyochewa Agosti 11, 2022 Viwanja vya Sekondari ya Wasicha Tabora, Wasichana Mkoa wa Songwe umewakilisha vyema kundi A kwa kuichapa Singida kwa goli 29 -3, huku Kilimanjaro kutoka kundi B ikiambulia kipigo

kutoka kwa Mwanza kwa magoli 4-16.

Kwa upande wa kundi C, Geita imeanza vizuri kwa kuigalagalaza Dar es Salaam magoli 18- 10, Rukwa ikiambulia kichapo cha goli 11- 16, huku upande wa kundi D Shinyanga imeanza vizuri kwa kuichapa Arusha magoli 17- 6.

Timu ya Wavulana kutoka kundi A Singida imekalisha na Mara kwa goli 24-15, Manyara imeigalagaza

Ruvuma kwa magoli 4-12, Mjini Magharibi imeikalisha Geita kwa goli 26-19.

Kwa upande wa kundi B Pemba imeanza vizuri kwa kuikalisha Arusha kwa goli 12-9 , huku Kusini Unguja ikiwekwa sawa na Kagera kwa goli 12- 14.

Kutoka Kundi C Kilimanajaro imepoteza kwa Mbeya kwa goli 16-17, Lindi imekaa vizuri kwa Shinyanga kwa goli 6-12, Morogoro imiegala gaza Iringa kwa goli 26 - 14.



Netiboli Yapamba Moto UMISSETA 2022

Na Shamim Nyaki – **WUSM**

Katika Mashindano ya Mi-chezo kwa Shule za Sekond-ari (UMISSETA) yanayoend-delea Mkoani Tabora 2022, mikoa inachuana vikali.

Katika mechi zilizochezwa mapema Agosti 11, 2022 Kutoka kundi A Mwanza imeinyuka Kagera magoli 37- 14, Moro ikiambulia kichapo toka kwa Geita kutoka kundi C goli 09-46,

Rukwa imeikalisha Singida kwa magoli 25 - 21,huku Mtwara ikiambulia kichapo kutoka kwa Dar kwa magoli 16-36.

Kutoka Kundi B kusini Unguja imeambulia kichapo kutoka kwa Mara magoli 07-47, Tabora imeikalisha Manyara kwa goli 42-07 , Simiyu imeanza vizuri kwa kuinyuka Kigoma magoli

36-15 huku Songwe nayo imeigalagaza Mjini Magharibi kwa magoli 53-13.

Kutoka Kundi C Kilimanjaro imeikalisha Lindi kutoka A kwa magoli 21-11.

Kwa upande wa kundi D Njombe imeikalishwa na Ruvuma kutoka kundi B kwa magoli 12-24.



Soka kwa Wasichana Yaanza UMISSETA

Na Bryson Mshana – TABORA

Timu za Soka kwa wasichana kutoka Mikoa mbalimbali ya Tanzania zimeanza kushindana katika mashindano ya UMISSETA yaliyoanza Agusti 10, 2022 Mjini Tabora.

Michezo ambayo imechezwa kwenye viwanja tofauti vya mpira wa miguu vilivypo katika shule ya wavulana Tabora, ime zikutanisha timu

za Ruvuma na Geita ambapo Geita ilishinda 1 -0.

Michezo mwagine ulihusisha timu za mikoa ya Arusha na Mtwara, ambapo Mtwara iliibuka mshindi kwa magoli 3 – 2 na baadae Mara ilitoshana nguvu na Man-yara kwa suluhu ya 0 – 0.

Katika michezo mwagine Dodoma iliifunga Kigoma 1

– 0, na wenyiji Tabora wali-fanikiwa kuanza vizuri mash-indano kwa ushindi wa 1 – 0 dhidi ya Mbeya.

Michezo ya UMISSETA im-funguliwa Agosti 10, 2022 na Katibu Mkuu Wizara ya Elimu, Sayansi na Teknolojia Dkt. Francis Michael, na inafanyika Kitaifa Mkoani Tabora.

Wanafunzi kutoka Mikoa mbalimbali wakiwa wanachuana vikali katika Mchezo wa Kikapu (Basketball), Agosti 11, 2022 kwenye mashindano ya UMISSETA yanayoendelea mkoani Tabora.





2015-2016

FIBA
APPROVED

CATEGORY 5

GG6X













MWAIJIBE

6



DON BOSCO IRINGA





UMITASHUMTA | UMISSETA 2022



#SensaBika

Limeandaliwa na Kitengo cha Mawasiliano Serikalini
Wizara ya Utamaduni, Sanaa na Michezo